

K296.4
H598.3

[清]李瀚章 裕祿等 编纂

光緒
湖南通志
⑥

湖湘文库编辑出版委员会
岳麓书社

K296.5

H598.3



湖南通志人物目錄

寶慶府

新化縣

陳孟茂

鄒懋極

羅學棟

曾正萬
子秀

羅福琦

劉祚倫

聶大彬

曾忠馥

曾唐柄

劉承孟

彭顯祖
弟榮

晏嗣漢

鄧林材
弟文材

楊應尊

李作爲

鄒鶴齡

劉守賢

金玉

楊現

王聖謨

彭時挺

楊河

孫續
子漢

周恭先

孫奇琇

鄒杰

鄒長信

楊玢

湖南通志卷一百八十九

人物目錄 寶慶中一 1198

楊瓊

曾承謙

鄒錡

劉逢

鄒應昇

曾功傑

楊世福

張如相

游昌炳

歐陽學

李嗣棠

袁泰枏

歐陽時

魏崧

王家勳

晏貽玖

劉應祥

蔡錫

唐鈞

曾艾
余升等十九人

曾彰泗

蕭大鐘
晏嗣河

鄒漢助

鄒召旬

楊琢珩

鄒永喆

歐陽藝照

譚光表

鄒世範

譚印兆

鄒漢章

唐顯烈
孫代震

劉芳貴

劉中和

蔡玉麟

鄒子紳

江有貴

劉勝祥

李斌

吳家駿

李若槐
吳發宗胡致忠

晏貽祚

馬瀛
唐樹桐

曾學傑

鄒學熟
劉洪泰等五人

楊嗣程

羅奇郎

毛自成

楊允迪

鄒祖翔

楊奉令

鄒蒙

鄒之崧

鄒洪福

歐陽宗泗

鄒長智

張自茂

彭仁琇

厲崇富

伍明春

馬祖文

曾演

晏啟澤

鄒顯鵬

鄒盛謙

卿德望

莫作

羅文華

劉邦道

楊嵩

晏貽震

高德鳳

王宗友

譚近光

黎仁美

吳大吉

龔泰祺
秦微

湖南通志卷一百八十九

人物目錄 寶慶中二 1199

陳今禮

蔣明顯

羅陳序

陳國通

劉永忠

伍聲誦

鄧琮

陳焯

李倫像

李清韻

李知珏

張懋才

謝大任

譚紹程

楊如炯

吳承祐

吳承範

段起玲

鄒嚴

毛學古

吳嶽

楊植棟

楊溫

譚正煥

艾倬雲

昌豫
子喬恪

曾億

余學桂

晏啟謙

宣旬

歐陽棟

黃鶴

晏啟鳳

鄒日融
子湘偶

鄧可策

楊可震

陳力

吳思樹

吳樞

孫起楠

譚愛蓮 劉光南 彭學鏗 歐陽紹洛

譚瑞 鄒文蘇子漢 鄒顯鵬 鄒顯鶴

晏貽琮 鄒溥霖 鄒新照 鄒漢嘉

鄧瑤 鄒漢池兄子 李熙贊 鄧元臣

陳登第 楊可需 謝良政 劉吉方

萬正緒 陳虞熙 吳承炳 羅汲

劉鍾 歐陽向義 彭禮煥 羅福玉

唐際 陳惟悅 羅允湛 彭義金

曾功光 聶世茂 黃永玉 成方邦

廖之用 楊澍 龔定辨 鄒文峯子孔

曾興祝 曾興棟 龔含輝 羅亨晉

劉協和 曾衍越盧國 曾興琢 劉堅白

方捷才 戴士圭游德 譚能書 袁章龍

鍾宇昆 鄒卓友 譚仁命 鄒文典

劉榮澤 劉嶽

湖南通志卷二百八十九 人物目錄 賈慶中 三

湖南通志卷一百八十九

人物志三十

國朝十五

寶慶府

新化縣

陳孟茂字繡章縣學生節愍公君寵孫事繼母以孝稱吳逆之亂有黃州人攜家避難至縣貨盡不能歸詣門乞濟孟茂厚資之以去越數年以事過麻城遇風舟將覆蘆葦中突出救者問之則前避難諸人也感泣羅拜款宿而別兩舉鄉飲貢年九十卒

湖南通志卷二百八十九 國朝人物 新化 一

鄒懋極字康侯居父母喪皆廬墓三年待宗族有恩禮懋極有才幹素以信義為一鄉所服 國朝康熙初年奉令採辦大工木料鄉人醵金助役而以其事專屬懋極事辦運木至漢陽會大工停止懋極貨其木歸以其值按戶分還鄉人義之相戒不受曰大差累子多矣何以償為懋極曰暴得多金不祥可專享乎乃出所獲平治道路自羅洪至奉家山激浦界計二百餘里閱三年而後竣石工鐫其姓名於巖上曰鄒康侯修土人呼曰康侯路名其地曰鑿字 巖懋極卒年八十有三 志 羅學棟字元卿喜施濟明末兵喪之後饑饉涸臻學棟竭力振卹按口給資俾謀生計一時聞風就食者踵相接也學棟性端

慤每食與其妻楊氏對坐相敬如賓兩烏當踏處不少偏移刃有履痕舉鄉飲大賓子孫簪纓相繼舊志

曾正萬字能奉乾隆末商於湖北竹谿縣時教匪將起正萬曰亂萌矣不去將罹其害乃趨謀歸計有鄉人某兄弟與賊習隸名入籍正萬密語之曰此滅門禍也因勸其潛歸某不悟正萬復具資以促之遂免於難正萬歸時其兩兄已析居爲食指所累正萬復請合爨二十餘年子秀道光戊子舉人躬行孝友父風舊志

羅福琦字象璣監生乾隆戊戌己亥連歲饑斗粟四百餘錢福琦前後出穀六百餘石計日廩之嘉慶丁卯自五月至七月不湖南通志卷一百八十九國朝人物新化

兩穀價昂貴福琦復出穀減價平糶族里多所全活嘗客益陽旅邸見老嫗哭甚哀詢之則其子以非罪繫獄爲出四十金極力幹旋卒出其子并與十金爲營生之資先是福琦與趙某約同渡江以此羈留不發而趙先行至中流風作舟覆趙溺死福琦得免卒年七十有八將卒檢借券不能償者悉焚之舊志

劉祚倫字金元監生少孤貧稍長用質還致富晚歲嘗思出私財爲邑中公事適南城火燬水晶閣知縣胡廷槐議修復苦無賞祚倫躍然曰此可以償吾願矣命其孫詣縣自陳願獨力承修廷槐義而許之樓成復以縣城頽塌願併力踵修凡費白金萬六千有奇工竣祚倫年九十廷槐率僚佐及縣人詣其宅爲

壽祚倫喜曰今而後可瞑目矣踰年卒贈五品階舊志

聶大彬字維賢嘉慶改元客四川龍潭市時湖南方用兵一日花園苗犯秀山燒龍王市相距僅半里許居民五六百家皆逃獨大彬及市民老幼數十人在大彬曰聞孫總督師去此不遠詰朝可至吾儕多張燈火鳴鉦巡夜如官軍屯營狀賊必不敢至從之果然明日總督孫士毅至廉其實壯之命率鄉勇助擊賊越二日苗大舉薄營大彬與戰斬其前隊一人官軍乘之大勝有苗酋遁入竹園大彬追至奪其刃斬首以獻士毅給六品冠帶命隨軍大彬以母老辭官軍既去土寇猶未戢大彬兩擒其酋以左右手各拽一人行數十步沈於龍潭河中十八年秀湖南通志卷一百八十九國朝人物新化

山旱道殣相望大彬設法賙濟全活者百餘家縣志曾忠馥字芳林監生道光戊己間村中大饑疫忠馥收養孤獨二十餘人飲食醫藥之有臥病經年死者爲給葬具而其時之踵門告給者紛來支絀甚乃賣產與羅姓得錢爲粥全活不尠適羅姓以契投縣印稅遺於路爲餓者所拾持向忠馥索微貲許還其券忠馥叱之曰吾不爲此無良也已而羅姓詭求忠馥復券忠馥卽命其子書之有孺子入倉行竊家人已偵獲矣忠馥憫其貧與之酒食錢二緡由是感媿爲良民忠馥家中產以好義故中落不顧也縣志曾唐柄字宅揆例貢生族某貧甫生一子不能有其妻乃給田

數歛資其食力村某負債將鬻妻以償唐柄佃以田寬其租數年道光已酉歲歉出粟平糶復外運以繼又主修急水灘石橋及平路施樁皆費重貲云

縣志

劉承孟字春翁 國初入漢陽營爲字識營隨帥巡徽驟遇賊同行三人斬敵首七級其二人死於賊惟承孟獨上功由此知名吳逆之變從 王師奮勇進擊所至克捷滇平積功授承順協副將終陝西涼州大靖營總兵承孟鎮承順最久經滇逆蹂躪新附之後拊循綏輯兵安於伍民安於野而終之以謙讓仁惠爲時所稱既卒官遂家於涼晚歲命其子持四代誥軸歸供於家廟而別出二百金置田以奉祀事

縣志

湖南通志 卷一百八十九 國朝人物

新化

四

八七三

彭顯祖字繼作 少與其弟榮祖遠賈於滇黔周知其山川險阻熟其土司中之有智畧者而與沙起龍龍天祐等結識滇藩既變顯祖投効貝子彰泰軍前屢著戰功吳逆陰使人招之拒弗應康熙十九年貝子與綏遠將軍蔡毓榮軍合屢挫賊鋒逆子吳世璠棄貴陽走雲南提督桑額追敗之世璠勢蹙使其將李本深線絨巴養元焚鐵索橋以遏大軍顯祖銜命間道招土司沙起龍龍天祐促造浮橋潛師爲內應尋敗李本深軍於江西坡線巴軍於雞公嶺二十一年亂平以功授沅江府知府署貴州清軍糧儲道榮祖從兄佐戎籌畫有方軍中遂有大小彭之稱貝子及綏遠將軍各爲聯語以旌其廬顯祖能詩著有紫

雲山館稿

縣志

晏嗣漢字淩雲幼隨父景瑞徙貴州有膽識隸撫標爲兵雍正四年以把總隨征長峇苗賊踞高山四面皆設險號十萬官軍亦據山對壘置礮以當其隘夜半嗣漢起巡營見賊營舉火如螢纍纍自山下知將劫營不及稟白暗伏大礮側俟賊至發礮殲賊無算舉營驚起得斃賊狀賊遂堅壁不敢出官軍亦憚於仰攻嗣漢約敢死士二十餘人請於主將各懷繩鉤火藥短刀夜分由山背攀蘿懸縋而上遇賊邏者殲之嗣漢持柝徧巡賊營分布火藥伺賊熟睡舉火賊自夢中起以爲神兵自天降也遂大亂冒火衝突官軍擊其前二十餘人者自內出殺賊無算

湖南通志

卷一百八十九 國朝人物

新化

五

八七三

嗣漢手擒首逆阿金阿順敘功補黔西協千總次年出師烏蒙嗣漢以百人直搗賊巢擒首領二十九人事平調赴陝西甘肅所至有勞績累遷總兵乾隆中一 賜綵緞再 賜蟒袍 誥授武顯將軍父祖皆 贈如其官其卒也奉 旨馳驛歸葬賜勘合異數也

舊志

鄧林材字卉生明季諸生精天文步算善占驗與從弟文材友善時稱二材林材喜言休咎輒奇中文材每戒之使自晦癸未之變兄弟露坐庭中林材仰視絕叫曰長沙城陷矣將奈何已而果然乃相約行遁鼎革後隱於農吳逆踞衡州林材爲僞將軍某所跡脅以官以計免歸終於家文材字聖楚入 國朝年

六十始生子卒時近百歲及見曾孫時同縣有艾友南者亦諸生也居縣東小溪山水最深僻處通百家言夜觀星象知世將亂不復應試薙髮令下逃入萬山中家人跡得之勸歸不從乃結茅棚蓋覆之而自種薯蕷拾橡栗野蔬爲食終身不出山志楊應尊字敬吾明季流賊王永成肆亂攻陷邵縣應尊團練禦之賊不敢入其境今其地名攢兵紀實也應尊既以禦賊聞於時督師何騰蛟方屯湖南開十三鎮延攬英傑資邵間土豪尚首多舉族以應騰蛟招應尊辭不赴丁亥大兵下湖南桂藩遷武岡有降帥高必正者託他事誘與俱往應尊知其詐一夕遁歸黑夜馳數十里得免晚益韜晦不與人事惟課奴子耕穫

湖南通志卷一百八十九 國朝人物 新化

六

又三

自給孫可震讀書有夙慧應尊愛之異常兒知新甯傳相高有學識延至家教之震遂爲通儒志

李作梅字子和慷慨有膽畧能知人家故饒於財當鼎革之際散金結客所交多奇人魁士順治七年寶慶初內附續順公沈永忠鎮其地九年李定國從貴州至郡復陷永忠將退保湘潭潰兵四散其部將李戴擁之東下至縣之赤石遇風舟壞亂民乘之擄永忠墜水事聞 朝命將盡誅左右居民先是作梅遇一髮武昌知其非常人厚相結納而別至是 朝命以永忠故遣官問其狀其人也得免誅求明季之亂有兩強暴獲一美女子爭擄不下將殺之作梅以金贖歸訪還其家牛萬才

劫掠甚慘章京線國安破之萬才遁國安駐縣久聞作梅有豪俠名遣使致禮作梅往謝從容言將軍麾下頗多擄掠婦女國安躍然喜曰非子和不聞此語即痛懲其下諭鄉民各認歸所掠一夕移營北去陰與作梅約有連者束稻草然之舉煙爲號所過村墟無不煙者乃歎曰何李子和親串之多也其保全鄉里類此作梅家居嚴肅事繼母至孝一夕母病騎而往城求醫中途假寐遇虎馬驚踏作梅掛而告曰吾母病須藥而爾當途必欲乘人之急耶虎遂巡去其事豔稱於時志

湖南通志卷一百八十九 國朝人物 新化

七

又上

饒功陞游擊鶴齡知書曉大義居靖甚有威惠已棄官歸隱寶慶內附薙髮令下獨逃羅洪之木源山結庵山中屏妻子子居不與人接爲怨家所詰械送郡城知府傅鸞祥勸令改裝將薦諸朝鶴齡知不免乃自經於寓舍鸞祥以禮殮之時康熙三年也志

劉守賢字碩彥少以遼東都司隸洪承疇麾下又隨平賊將軍左良玉良玉死守賢走浙江依方國安以援勦功累官甯紹台溫總兵時北京南都相繼陷守賢遂以所部從監國魯王航海棲皇於翁洲南澳開順治辛卯大兵破舟山乃散遣部曲歸奉母村居衣道士服以終志

金玉輔石康熙丙午舉人揀選知縣回籍候選甫歸而滇逆變作偽檄敦促切玉以死拒既知不免乃易服遠遁滇平後自以身經劫禍不欲習吏事改就教職選斬水教諭設經義治事兩齋分條造就成就甚多己已荒旱玉商之牧守徒步募穀千餘石振活數千人朝廷遣使者勘災復周旋籌畫其間獲

邀錫免斬人德之陞常德府教授

舊志

楊琨字季友雍正癸丑進士選庶吉士時館選例需保舉而是時湖以南惟彭維新在朝琨足跡未及其門散館改禮部儀制司主事又忤堂官降光祿寺署丞久之出爲施南通判卒於官琨博學能文其舉於鄉也以五經獲薦壬子充四川同考官

湖南通志

卷一百八十九

國朝人物

新化

八

メヲタリ

既改部軼輒不自得其由禮曹降光祿亦以耿介爲忌者所中致未盡其才云

舊志

王聖謨字希齋由舉人官四川新甯知縣以母老乞歸新人爲建生祠書其善政於石有云在新十年其後囹圄空虛獄無一

囚眞良吏也

舊志

彭時捷字及三乾隆丙辰舉人官四川永川縣知縣時捷性樸訥而聽斷明允每鞠獄如家人父子相對不施鞭箠而人自帖服莫之敢欺永南有寺僧徒多爲民害會有告其橫暴者往察盡得其侵占姦利諸狀乃擒其爲首者餘悉勒令爲民籍其產以十之一量遠近資遣之使各謀生業而改寺爲書院名曰錦

雲延進士王家駒主講文風丕變因請廣永川學額爲上學永人建生祠焉

舊志

楊河字伏圖乾隆戊午舉人王戊明通進士選茶陵州學正時其父可震適爲州訓導因改調綏甯父子同官佳話也外艱服闋授宜章教諭遷武昌知縣抵任八日卽擒治劇盜吳大在任革陋規除耗羨禁浮收江漢間呼爲楊青天母憂服除補山東范縣時大駕南巡河躬治輦道事集而民不擾在范久治最

如武昌而勞更甚引疾歸五年卒

舊志

孫續字雪堂乾隆丁卯以五經中本省鄉試官長沙教諭俸滿遷臨清知縣時山東有王倫之變臨清壽張皆被蹂躪王師

湖南通志

卷一百八十九

國朝人物

新化

九

メヲタリ

進勦軍書旁午續治繁有法事訖民不知兵地恆苦蝗譁求撲之法竭誠禱於蜡神民報有羣鴉集其處食蝻殆盡治臨四年不以眷口自隨以母年老乞歸遂不復出子漢乾隆庚寅舉人官貴州龍泉及山西洪洞知縣

舊志

周恭先字素芳七歲能文應童子試父榮幹爲負之入場督學桐城葉西面試之詫爲神童取入縣學時方九歲也踰二年癸酉應鄉試已擬中矣以三場病未與見遺又十年中乾隆庚辰舉人丙戌成進士授建水知縣治獄尤明慎建水地故產目斯土者類多緣爲利藪會所治獄有宜問抵者令已定案將出之矣恭先閱讞牘曰是不宜出吏挾前官畫稿力爭恭先持之

急而其家果懷金求緩恭先曰是迫我也緩之何以自明乃盡駁前讞按律問擬大府以故入罪恭先謫戍烏魯木齊十年釋歸恭先喜吟詠與同縣吳樞交最篤及遭貶斥久處塞外而出語和平無激烈之音歸後布衣躬耕足跡不履城市士子有從遊者亦不拒也

舊志

孫奇琇字佩琬乾隆中舉人歷官常豐郴桂教職最後授武陵教諭俸滿遷恭城知縣專務德化時乾隆末年有征苗之役兩粵接壤徵調旁午而平樂當水陸衝大吏知奇琇才檄調襄理且徵民夫奇琇拊循有方民忘其役夫既集未行而時方東作惻然縱之歸約農事畢則率以來而身畱郡城以待左右亟沮

湖南通志

卷一百八十九

國朝人物

新化

十

X 9 8 11

之謂民散難復集誤軍務且獲重譴奇琇不爲動既而如期來無一人後者在恭城十餘年升養利州知州又五年民安其惠以老乞歸年八十三卒

舊志

鄒杰字萬夫弱冠舉乾隆戊子鄉試初官桂陽教諭截取得夥縣知縣調繁昌再調宿松均以循吏著先是安徽教匪案蔓延最廣匪目劉之協起自太和故搜捕尤亟一日奉總督檄村民被逮者七八十人杰知其枉乃率七八十人者訴於行轅總督意解俱得釋民爲建生祠杰所至崇學校革陋規擊豪強撫孤弱雪冤獄皆有名迹卒官後虧項累累籍沒時家僅敗屋兩楹專田數畝而已

舊志

鄧長信字璧園十三歲隸縣學籍中乾隆辛卯舉人挑發山東補鉅野知縣鉅野多盜而健訟長信至鋤強擊暴懲積猾決滯獄縣大治性剛介不喜迎合大府雖善其所爲而銜之者眾會江南句容劫庫案詞連鉅野民姚大姚大者曾以事繫縣獄爲長信所責釋者也遂以縱盜論革職已復坐用官錢五十緡濬河漏報遣戍伊犁居八年歸歸後益貧授徒以自給生平博聞強記居官精敏明榦與周恭先同歲生皆以幼慧早注學籍其遣戍出關即恭先入關之年論者謂兩人均以耿介獲重譴不竟其用爲可惜云

舊志

楊珍字玉友乾隆丁酉舉人其弟瓊充是科拔貢珍官泗州

湖南通志

卷一百八十九

國朝人物

新化

十一

X 9 8 11

同嘗權知州事屢分校江南鄉試在泗久嘗率家人啖粗糲有所巡歷懷不托數枚飢則啖之不擾民間勺水也歸後數年卒楊瓊字叔玉幼慧與其兄玠同有聲瓊年十四爲督學盧文弨所賞識旋餼於學充丁酉拔貢生官龍陽教諭乾隆六十年辰州苗變檄調軍前以功遷納谿縣知縣調繁西充簡州知州調署涪州擢直隸西陽州未赴以疾歸瓊有治才練習吏事所至擊豪強決疑獄鹽梟蠹匪聞風皆遠遁無敢徇其境其在涪各路私販空集持械拒捕瓊佯弗聞而陰籍白役得壯夫五十人朝夕訓練爲一隊至是不意掩捕數十人眾聞奔集廳事

洵將爲亂瓊坐堂皇出其首訊之有白衣而草帽者疊三草爲臺登其上手執扇指揮瓊叱一役越而顛之立斃杖下是日凡杖斃三人餘黨收繫無一脫者未幾以病歸

舊志

曾承謙字利川乾隆己亥舉鄉試第一挑發直隸歷任定興甯津高邑知縣慈惠廉潔不名一錢所至民常愛戴定興地當衝要又川楚陝豫同時用兵所調索倫勒旅及帶兵大臣皆取道縣境承謙竭蹶供億事辦而民不擾最後在高邑以爭去官歸後鬻所居宅償夙負別蹴一荒圃構茅屋數椽居之灌園授徒以爲食甚自得也

舊志

鄒錙字華袞乾隆丁酉舉人歷官肥鄉柏鄉武邑知縣在武邑湖南通志卷二百八十九國朝人物新化

主

又見

最久嘉慶辛酉大水錙日懷不托數枚寬得民間一楠柳盤代舫乘以行躬親勘視設法振救滑澆泥水中所至荒村聚落男婦雜處叢柳間面無人色見官至則泣錙亦泣或終日不得食取民間惡草具充飢匝月始徧水退武邑民少飢餓死者居十年卒

舊志

劉達字原旃乾隆庚子舉人挑發陝西知縣初至值川楚用兵大吏檄赴軍營多所毗贊旋署膚施縣膚施地苦寒逢因俗爲治勸墾荒種積薯代粟未幾以憂去送者多泣下服闋補白水白水地在南山之麓漢唐以來未經開闢所謂老林也川楚餘匪竄匿其中數出爲民患官兵搜捕皆爲所敗達至團練丁壯

數計擒其首斬之餘黨竄散民賴以安性清介在任十餘年不名一錢然脫畧尙氣不悅於上官爲所中既罷職白水人饋錢爲買南山荒地三十里居之達乃召其族人移家就居墾堡耕種今遂爲白水人

舊志

鄒應昇字照輝乾隆己酉舉人挑發甘肅歷任西河通渭知縣所至與民休息在通渭見民間棺槨多寄寺廟乃出示遍諭有主者擇地安厝無惑風水無主者設法掩瘞毋使暴露文淒切動人見者爲之墮淚已復出已財買地數十畝爲義冢不三月而舊俗丕變應昇官甘肅最久兩以憂歸

舊志

曾功傑字亭雲乾隆甲寅舉人挑發直隸署南宮龍門知縣湖南通志卷二百八十九國朝人物新化

主

又見

所至勤於聽斷有循聲因需次人眾借補萬安縣丞怡然曰是豈不足爲政耶萬安駐劄張家口邊牆要地商賈雲集功傑廉惠盡職極爲宣化守珠隆阿所重贈以楹帖云有猷爲守錫之福曰清慎勤加以實其嘉許如此尋題補甯津知縣有張丙者里魁也武斷一邑人稱張四百不敢名功傑因事嚴治置諸法閩邑肅然性慈惠而最急人難民有積欠數百金全家繫獄者爲捐俸代償之盧龍令宋某奉委修熱河蹕路所經橋垂成圯於水時隔期止七日大吏倉皇無措奏功傑代之功傑從容言曰橋圯出不意非宋令罪今驟易生手益無能爲不如責成宋令而以功傑助之曉夜督工可不誤也大吏如其言橋成宋

官如故其調補獻縣也布政使姚祖同方擢安徽巡撫安徽有胡丙京控一案由部解回路經獻縣祖同屬代訊卒依所詳定獻馬年甫六十卽以五品階乞歸至年八十始卒

志

楊世福字祿山生而奇穎左目有重瞳子究心兵法刑名農

水利一切用世之學嘉慶初入爲河南布政司理問借補儀

封廳經歷值流賊齊王氏高均德等作亂擾及河南境世福以

贊襄軍幕功陞河南府通判開濬洛嵩二縣新舊各渠厥功尤

偉河南土田高燥自漢唐來所鑿各渠引伊洛二水灌之至

有明屢經修濬宏治中復開五洛渠歷久皆湮塞會歲旱民深

病之世福白布政使溫承惠請修復各渠承惠嘉許乃躬履勘

湖南志

卷二百八十九

國朝人物

新化

古

形勢有碍近坐墓者捐俸買他地以代有渠道必經民田者使

讓地倍償其值於是修鑿古洛大靖新興通津古洪舊渠立而

大明黃道永濟清渠伊渠五舊渠則濬而深廣之又創啟新

太平樂豐天議人和香合會心周城金城永固甘鶴順興各新

渠十有一歷五十餘里開閘十六座又於渠口設網閘防暴漲

築草堰資蓄洩倣照古法議條約泐石以杜爭端共溉田二十

一萬四千八百九十二畝奉 特旨褒嘉交部議敘調陳州府

通判府屬項城上蔡二縣界有楊泥河歷久淤淺水漲輒爲患

土豪常大化恃眾決堤下游田廬多被

至傷人官不能理世福至督眾築堤大化抗拒如初世福單騎

眾起築之輒械鬪

往諭以禍福大化聽命於是河濬而築堤成晉同知尋丁內艱

將行郡民泣送者雲集起復發山東已又改歸河南道光元年

復以同知署河南府通判時所屬各渠復多壅塞世福復新開

洛陽縣四渠宜陽縣二渠永甯嵩縣各一渠重濬前工未竟之

六合權善甘泉永利各渠慧裕承惠皆有碑紀其事二年知許

州直隸州事州民悍健訟世福勤訊結嚴書役酌科徭拯災恤

患風教流行旋以病去年七十有二卒有開濬河渠本末編

張如相字德卿嘉慶辛酉舉人壬戌進士貴州卽用知縣初任

天柱禮紳耆詢民間疾苦及興廢所宜除跳歌換帶淫風禁出

入帶刀惡習轅門外懸大銅鉦一面有負屈不得伸者聞鉦鳴

湖南志

卷二百八十九

國朝人物

新化

去

卽出坐堂皇鞠訊隨時剖決值大荒設法振卹復請於行省出

倉穀濟之凡四請乃允全活無算尋奉委採辦滇銅歷四年事

始竣授婺川知縣旋署清江同知清江地廣七百里苗蠻百七

十頑獷不識詩書如相至立教臺讀法諄諄勸誨并於各峇設

義塾興復柳川書院作勸民歌百首譯以俗言俾椎魯者皆誦

習之又建普濟院便民倉爲老弱廢疾早潦凶荒之備歷官數

任理執其是雖上官有所屬託不稍貶抑以枉法而虐民以性

剛果好直言數與上官不合改就教職署長沙府教授逾年授

湖北漢陽府教授加國子監博士卒於官

游昌炳原名昌灼字俊吾嘉慶戊辰舉人挑發山東初至奉委

志

赴臬局甫二年訊結咨奏案二百餘起署陵縣緝獲直隸東光謀毒祖父母重犯引見以同知用歷任萊蕪范觀城商河鄒城等縣數詣鄉村課民間生業詢疾苦並收糴盈歉或值銀價昂納緡錢不敷兌解者則墊賠之不更責於民善捕盜前後至三十六次尋補登州府同知權知府事以事去官卒年九十有三

三縣志

歐陽學字一齋嘉慶戊辰舉人挑發直隸時道州何淩漢爲順天府尹委辦紅冒案紅冒者匪黨號也句引無慮千人學廉得渠魁按治之餘省釋反側以安歷署懷柔寶坻永清大興等縣知縣所至有聲丁內艱起復補望都矢慎矢清以鄰縣解犯過湖南通志卷二百八十九國朝人物新志太

境道竟里吏議適有父喪縣民醵金賻送謝不受服闋改就教職歷永明衡陽教諭芷江訓導授激浦教諭以老引退同治丁卯鄉試重赴鹿鳴以是年卒八十有六

縣志

李嗣棠字蔭南嘉慶庚午舉人道光丙戌進士選庶吉士散館改廣東恩平知縣恩平濱海潮水泛溢土田多荒廢坐是額徵多逋負嗣棠至鋤強賦扶善良民畏而愛之至是積年逋欠悉輸完縣胥役素強橫多設私卡勒鄉民嗣棠廉知立毀之置爲首者於法縣舊無考棚嗣棠乃倡捐創建規製宏鉅取得所芘分校廣東辛卯鄉試時稱得士

縣志

彭泰栢字桂舫嘉慶戊寅舉人挑發貴州知縣署麻哈州知州

置義田攤浮糧決疑獄廉餘有治聲補清平知縣兼權麻哈事修邑乘立節孝祠平反枉屈出吳某主僕於獄卓薦升黃平州知州詳結積年上控案三

起創建考棚增置學田廣籌卷

資先是黔屬屯堡皆密邇

屯軍恃無緝捕責每句串苗匪

劫掠並代銷贓物泰栢悉其

乃上推廣結疆緝捕事宜巡撫

賀長齡據以入奏議準施行著爲例會按察使某札委運鉛泰

栢意不欲將乞養歸適麻哈有越獄案凡四人其

苗知州某以劫獄報集營兵往捕苗眾抗禦大府亟檄泰栢回

任責治其事並諭獲犯即免鉛差於是泰栢單騎抵

利害促令自首凡八日盡獲之解省正法已臬使復委運鉛差

湖南通志卷二百八十九國朝人物新志太

竣回黔會黃平民抗糧行省委鄭某署黃平事奉檄提案諸糧

戶圍之於舊城累日大府亟檄泰栢回任比至眾爽道夢香跪

迎且相慶曰使君來吾輩無事矣接篆三日而案結內憂歸服

闕授黔西州知州未幾以老致仕泰栢歷充道光壬辰甲午乙

未丁酉己亥癸卯鄉試同考官時稱得士居官廉儉俸餘所置

產與兄弟均分之卒年八十

歐陽時字敏齋道光壬午舉人乙未成進士湖北卽用知縣

是年鄉試同考官旋署竹山縣革陋規東晉吏

決精審未嘗

株累一人兼攝竹溪縣篆甫三月讞結九百餘案竹山有曾

桂者巨猾也數爲民患時捕得之察其情尙畏法有佖白新丹

試讀結束，需要全本PDF請購買

www.ertongbook.com

桂歸告其黨曰歐青天在我輩宜改行自是一縣帖然竹山本瘠壤知府某貪而墨誅求所屬或不遂輒借事中傷之一日遣丁來署重有所索時弗應竟出署言時怒甚追之反懲以杜即告病歸改就永州府教授居官五載卒年六十七

縣志

魏崧字維嶽道光壬午舉人明年成進士以知縣發四川歷權大竹樂山隆昌縣隆昌諸生某素強橫重索寡嫂已償債崧廉得實將置之法某懼自經其子將上訴或勸暗之金事可解崧曰吾去其害民者他何恤焉不從遂罷官久之以囊贄越嶲軍務敘功復職授南川知縣南川俗刁悍獄訟多糾滯崧至剖決如流逾月積案盡結訪獲土豪章正遠定配黑龍江於是豪強

湖南通志

卷一百八十九

國朝人物

新化

支

八十九

屏跡成都有少婦偕其幼弟往母家中塗婦忽失所在訟久不結無何鄰縣某江市有富人攜數千金絮一婦一僕賃居一夕富人婦皆斃其地訴之官莫得殺者主名上官委崧越境治其事崧驟見其僕即厲聲曰殺人者汝也僕色變吐實推其金尚存其戚某家時成都跡婦者亦來詰其婦即所失婦富人則引婦潛逃者也兩案並結人爭稱其神明己酉歲大饑請發米二千石振之不給復勸富人捐三千石又不給乃自捐廉購米繼之活人無數南川紳耆建德政坊於治西十里紀行實十六條又於叢香橋暨德政碑篆樂只君子四字於額秩滿卒官年七十

縣志

王家勳字麓屏道光乙未進士官吏部文選司主事居官十三載趨公無虛日不以谿刻爲能堂上官甚重之家勳性慷慨有求輒應每春秋兩闌邦人士赴都者砥礪規勸之或課以詩文日久無懈志尋以母老解組歸左右就養依依如孺子時友愛諸兄弟不忍析簪待族戚甚厚鄉鄰或攜贄力爲解燼疾惡顧甚嚴巨痞劉成蛟者聚黨劫掠爲一邑患家勳以計捕之送官寘之法并里肅然年五十六卒子政懋官安福訓導政慈廣西東蘭州知州

縣志

湖南通志

卷一百八十九

國朝人物

新化

支

八十九

水等縣至有一月攝三篆者貽玖撫循備至民困始蘇樂清允近海城垣傾塌亟請發帑繕葺並捐廉爲之倡至賠累鉅萬不以病民故事集而民不擾癸卯科分校浙江鄉試所得皆知名士補遂昌知縣政聲益著捐升四川直隸州知州未赴而卒

縣志

劉應祥字雲皋道光甲辰進士分發陝西歷署城固靖邊石泉三原知縣補安康居官不名一錢所至以愛民爲主在安康值漢水大溢決城與署漂溺無算應祥被洪波衝至龍窩叢木上舟子拚而出受創數十處人皆謂神助應祥益以振饑爲已任城隍衙署一時興復士民見其拮据萬狀謹然依助輸金粟捐瓦材剋期告成無或後者安康舊有興賢學倉前令百計壞之

應祥次第復初尤慘慘以表彰往哲闡發幽光爲急務擢甯莞州知州甯莞回民某橫甚李布商因眾怒殲其家應祥坐此里吏議會丁母艱以毀卒於旅館甯莞舊有劉公祠祀前牧諸城劉啓至是進應祥主稱二劉公祠

縣志

蔡錫申字嶽屏道光乙未舉人以知縣挑發直隸署大城縣值辦大差賞加二級題補東明縣知縣先是東明有聯莊會數抗糧不納前令優容之寢久勾結成巨患勢且爲變錫申至卽親履其地多方開諭眾乃繳軍械完通賦卒爲良民縣瀕黃河忽水漲銅版閘口決漂沒十餘州縣東明全境受其害錫申爲文禱於河神水勢漸平籌備船筏赴鄉勘災日徒行數十里或

湖南通志

卷二百八十九

國朝人物

新化

辛

棹舟冒險烈風暴雨驟至瀕危者再四乃請於大府發粟振之入冬水退卽集眾繕城垣築堤堰疏河流塞漫口而次年伏汛更大爲災更劇按察使吳某親臨稽查東明辦理甚善飭附近長垣縣振亦歸錫申給放敘勞加同知銜亡何以疏防盜案解任尋開復原官調署懷安庚申夷船駛至天津直隸總督恆祺駐海口調錫申襄贊防務旋署內邱縣事力行團練籌積儲辦防勦賊不能入而民亦無所擾敘功賞加鹽運同銜旋爲兵備道王榕吉襄贊軍務子玉麟時以河工縣丞發直隸無何官軍勦賊遇伏敗玉麟殉焉錫申聞之慨然曰身受國恩愧無涓埃報效兒若此得死所矣癸亥六月接署開州山東捻匪宋

景詩等竄州界錫申督勇擊之尋遁去九月調署清豐清豐團長孫懷珍馬學孟以構怨相殺久不解錫申諭以大義散其器械兩團復相和緝三年以病乞歸卒於葉縣時年五十有八玉麟贈鑾儀衛經歷予世襲

縣志

唐鈞字季同父琳廣東豐順知縣卒於官虧款藥藥大府召問其繇鈞早籍出入二冊上之知爲因公賠累乃飭潮州九屬攤償越三載始得歸道光庚戌新甯李沅發反湖廣總督裕泰討之檄鈞襄理軍務繇監生議敘從九品咸豐三年投効江忠源軍中以守江西省城功進府經縣丞七年石達開再犯楚鈞防勦郴桂永州等處擢知縣八年授贛州府經歷代理定南廳撫

湖南通志

卷二百八十九

國朝人物

新化

壬

民同知石逆所部賴裕新號賴剝皮由桂陽擾定南攻安遠鈞率勇隨各軍解安遠圍敘功予優缺贛州毗連閩粵險僻多盜鈞屢擒治之大吏廉其才檄權興國縣事每坐堂皇一時引決數十案雪理冤誣縣以無事前令有母喪不能歸鈞厚賻之卸篆後轉餉安慶江督曾國藩奏請以知縣歸皖補用飭辦穀米總局尋以勞卒鈞性孝嘗割臂愈母病士林稱之曾文正公父承烈乾隆壬申舉人官甘肅西陲知縣父幼有膽畧讀書過目成誦嘗割左臂血和藥以療父病由例貢考取四庫館膳錄期滿以州同發江西歷署安福龍泉安仁知縣所至有聲母憂回籍會辰州苗變嘉勇貝子福康安奉命督

師艾詣軍門呈請効力貝子喜令守麥地汎先後從大營攻克黃瓜砦大小紅巖臭腦營烏宿河押寶砦等處奏以軍營相當缺出儘先補用嘉慶改元補貴州永豐州州同州隸南龍故苗地州同駐冊亨在萬山中尤險遠難治艾至清訟獄革陋規裕倉儲苗目來謁諭以各安本業民夷相安亡何南龍神苗遽叛艾與駐防楊把總柳外委等約戮力死守傳諭四鄉亨目招集夏苗繕城堞治器械定條約明賞罰令出肅多賊至艾奮勇出擊賊披靡次日大至艾分地嚴守而自守東門礮臺往來策應相持半月戰五十餘合屢有斬獲生擒數十賊是時城中男婦不滿五百人婦女亦改裝登陣艾懸重賞募敢死士縋城

湖南通志卷二百八十九 國朝人物 新化 圭

告急凡十餘輩久之外援不至賊數萬圍城艾督率兵民禦三晝夜而圍不解有白巾賊魁執旗於眾中指揮艾一矢斃之賊少卻忽報北門火起賊撲入艾率眾趨救遇賊於城西隅巷戰艾手刃十餘賊中鎗喉血罵賊死時二年二月二十一日也僕余升陳德毛升楊燦龔祥王升任德劉奉朝崔升皆力戰死妾余氏陳氏及兩婢子郭姊僕婦李氏潘氏皆自刎其戚張蓋英於亂軍中覓得其次子江與段延福朱輝山負之逃江號泣曰吾父母皆死何以生為賊尾及之中鎗而隕蓋英延福並死之輝山奔告大營事 聞奉 旨加等優卹改南龍為興義府永豐為貞豐州艾入祀昭忠祠江與蓋英入祀忠義孝弟祠余氏

陳氏入祀節孝祠郭姊李氏潘氏等建坊旌表殉僕十六口盡與優 卹長子湘襲雲騎尉世職縣志

會彰泗字孔林艾族兄弟也父慎以四川德陽籍中副榜彰泗充嘉慶辛酉德陽縣學拔貢外 朝考用知縣發陝西試延川知縣有善政乙丑權洋縣死甯陝鎮新兵之難初川陝教匪之被勦也以終南山為窟穴其地表延千數百里名曰老林竄入者皆身經百戰之猾賊官兵莫可誰何朝議改五通通判為同知添設甯陝廳鎮總兵募兵六千鎮之而以積年立功無業可歸之鄉勇充伍籍以收桀驁為善後計天下所稱新兵也然新兵曠悍難馭嘉慶十一年總兵楊芳去鎮陳先倫陳達順倡

湖南通志卷二百八十九 國朝人物 新化 圭

亂七月初六日兵變戕署總兵中軍及鎮廳兩城官弁遂連破營城十九處洋縣與焉彰泗拒守七晝夜援兵阻細水河不能至城遂陷彰泗大罵賊而死時八月朔日也洋縣民保其家屬潛出不及於難初彰泗殉難子庭槐方十歲其妻某氏欲以身殉曰夫死何可獨生彰泗弟某日程嬰杵曰一死於十五年之前一死於十五年後古人兩許之嫂之畱身撫孤又何恨焉事聞奉 旨優卹史館立傳 予雲騎尉世職庭槐襲縣志蕭大鐘字秀川父有光以事安置來鳳大鐘遂占籍來鳳為縣學生嘉慶元年教匪起大鐘與其友陳瞻蔚團練鄉勇三千餘人禦賊於兩河口芭蕉塘唐家堡等處賊不敢近又奉大帥委

入賊皆招降首逆黃長青凡千餘人貝子福康安督師至復檄同官兵計誘胡正中等於三堡嶺就擒者無數賊恨之一日復率檄往指甲坡被賊脅以刃不屈賊倒縛大鐘於樹叢射之大鐘至死罵不絕口有曾承恩者亦同縣人寄籍竹谿爲縣學生教匪亂起承恩練鄉勇捍衛閭里屢與接仗身瀕於死者數矣以州判銜効用積勞成疾卒又雍正時有晏嗣河者嗣漢弟也嗣漢歷官副將遷總兵河隨漢隸貴州行伍征勦所至屢著戰功拔補外委把總擊賊丹江陣亡卹贈守備銜

縣志

鄒漢助字叔績兄弟六人篤志苦學嘗以書少輒賣田買書其學深於諸經能精思所纂皆實事求是獨追古初而說文音學

湖南通志

卷二百八十九

國朝人物

新化

五

七

天文輿地算學靡不精究讀史不尙空議專考歷代典故之沿革以明其得失工詩古文辭而括帖不循繩尺年三十餘始入郡學爲生員同縣鄧顯鶴招至甯鄉學舍編纂忠烈道憲遺集卽訂定年譜衡陽王夫之遺書久散佚顯鶴諷其族裔蒐輯付梓漢助爲之校讎多所考訂及顯鶴主修寶慶府志漢助論議尤多適知府黃宅中量移貴州招漢助往至則撰輯貴陽大定興義安順諸府志其新甯形勢說貴陽循吏傳皆洞中日後情事居黔五載歸里漢助之族子有爲邵陽某所橫斃者漢助閱其寃實於知縣知縣受賄不直反下漢助獄思中以法知府黃文琛平之事得解罷知縣漢助赴鄉試中咸豐辛亥舉人明年

禮闈報罷則東之淮上訪同郡魏源於高郵互出所著相參訂越歲賊陷江南源以遼史及尙書未定稟託其攜歸續成入夏乃抵長沙而南昌告警漢助弟漢章已隨江忠源於圍城中漢助將往視漢章會國藩新募楚勇千人令江忠淑偕漢助率以往忠源一見重之圍解以知縣用賊陷九江將趨田家鎮漢助謂忠源曰鎮小而隘吳楚門戶也且防兵少宜疾馳據險爲犄角比至則半壁山已爲賊踞田鎮防兵亦潰忠源遂北渡由漢川至武昌旋擢安徽巡撫漢助冒險相從會忠源道病至六安益劇所部勇僅開化鎮軍數百人急令漢助於六安募勇濟之得二千餘人入守廬州而漢助則守大西門賊三爲隧道攻

湖南通志

卷二百八十九

國朝人物

新化

五

八

之城圯數丈賊登陣矣漢助力擊卻之城隨完忠源上其功天語褒美以同知直隸知州用賞戴花翎時援師營城外五里格於賊不得入臘月十六日夜過半賊由北城入忠源投水死漢助坐城樓上命酒自酌持劍大呼殺賊賊至格鬪手刃數人力竭以殉年四十有九事聞贈道銜昭都司例卹廕祀廬州湖南昭忠祠所著書四百餘卷詳藝文錄忠

鄒召旬字宜甫廩生性機警饒智謀道光三十年粵西寇起湖南邊境備設防堵局長白魁聯守寶慶謀能偵諜賊情者或以召旬薦魁聯聘之至厚其薪資與勇丁二十人供驅使召旬於是短衣草屨恆尾賊行設法探賊情纖悉皆得卽馳報日循環

無間魁聯得報或張虛聲或扼要害動中窾竅咸豐二年賊由桂林屠全州逾黃沙河陷郴桂踞道州旋由茶醴犯長沙破岳州下趨武昌而寶慶一郡與粵毘連獨能先事爲備力遏寇氛者召旬力也賊退魁聯上其功敘訓導江忠源率師援江西招之往同解南昌圍進知縣忠源奉命撫皖守廬州召旬嘗處城外每謀賊情以報已而廬城陷忠源及同知鄒漢勛皆殉漢助召旬族人也忠源屍得義卒周昌發員出召旬隻身入賊中覓漢勛屍卒不得瀕於死數矣忠源弟忠濟率援師攻廬召旬爲襄理軍務咸豐四年卒於軍

縣志

楊琢珩膽力過人咸豐二年投辰勇營三年從提督塔齊布攻湖南通志卷二百八十九國朝人物新化

美 ㄨㄅㄨˋ ㄨ

復湘潭嗣是轉戰岳州武昌興國田家鎮蘄州廣濟黃梅九江諸處均有功績敘藍翎外委五年隸湖北巡撫胡林翼部下駐武昌袁家河四月九日攻賊八寶街失利林翼幾陷賊圍中琢珩單騎突陣掠以出還營擢千總升用守備八月初三日進勦漢陽抵月湖隄賊至琢珩奮力鏖戰敵傷左手死林翼憫惜之贈卹如典禮

縣志

鄒永喆字竹窗讀書有大志不事章句學與族漢勛兄弟均以博雅著聞尤以節義相砥礪咸豐二年四月粵寇屠全州游氛逼近知府魁聯募勇屬永喆等擇要扼之郡以無事賊由長沙取道岳州陷湖北時道員江忠源率師馳勦永喆從之賊犯江

西永喆復隨至南昌協同城守賊不得逞敘功以從九品儘先補用粵匪擾藍山等縣偕道員江忠濟同援事平駐師岳州備北寇進縣丞賞戴藍翎未幾以省親歸尋丁外艱四年湖北復陷忠濟以書促之來復至岳同移營通城屢挫賊咸豐五年四月四日通城賊以大股逼官軍營忠濟麾眾拒擊血戰死之永喆持矛衝入賊隊被賊圍擊而亡親兵鄒法修鄒世泰羅先

慶鄒祿吉殉焉事

聞從優議

卹予世職

縣志

歐陽葵照字炳參道光甲午舉於鄉庚戌成進士以知縣發安徽性沈摯寡言笑遇事奮發有爲尤能以誠信感人壽州有重犯沒腳鼠者梟而點者也屢捕不獲葵照奉檄往提之單騎至湖南通志卷二百八十九國朝人物新化

毛

ㄨㄅㄨˋ ㄨ

其家沒腳鼠匿弗見葵照曰汝弗見汝謂事可終已乎吾來非禍汝乃福汝也不然吾奚不以眾至也沒腳鼠出伏乞命葵照諭以大義開示生路遂受械至中途其黨數百人追至將劫之沒腳鼠止之曰我公長者也吾命已付我公矣且戒其黨毋再劫掠以重己罪其黨唯唯而退後果言於臬司曲贊其罪其黨嘗欲擁之爲亂沒腳鼠誓不從乃遁歸壽州及賊擾皖境竟督鄉勇五百人持白梃助官軍云又嘗解重囚於廬州各囚請撤回兵勇並脫刑械以便行葵照驗其誠許之比至郡無一逃者上官皆嘉歎令署太平縣事太平號難治葵照勅明禮法鉅擊强梗士民畏服會粵匪陷石埭葵照令營兵堵洋溪河而已卒

更役百姓助之賊不能犯遂攻賊於石埭一戰復其城殺賊四百餘擒其魁五人當是時太平團練之名最著五年賊復由青陽陷石埭再會守備楊國正復之敘功以同知直隸州補用六年春賊眾數十萬由祁門夥縣竄羊棧嶺先是賊竄至嶺爲蔡照所扼弗能度至是蔡照復率團勇五百往禦之比至白沙嶺賊大股至相持一晝夜援兵不至蔡照率所部勇奮力抵擊殺傷過半力竭遂遇害三月十九日也年四十七當賊大至時僕高陞欲負之逃蔡照不可曰此吾報國之日也汝輩可無死宜疾去高陞感其誠是日亦同殉難事聞蔡照照同知從優議卹尋贈道銜予世襲縣志

湖南通志卷一百八十九國朝人物新化天

譚光表廩生饒智術尤有膽氣粵西寇事起寶慶守魁聯謀募勇扼要堵禦聞光表名令率勇駐甯鄉益陽各界以備賊兼使詞賊情光表短衣履蹻出入賊巢或僞爲賊黨躬入巢穴偵探強弱情形風餐露宿不憚勞苦自咸豐二年至五年粵匪出沒長沙永衡諸境寶慶一郡以光表偵賊預防獨安堵無恐咸豐六年劉長佑討賊袁州光表從之天氣酷暑光表督勇防堵過勞卒於營錄忠

鄒世範字伯常自少以孝聞咸豐四年襄辦從父漢章水師營務隨轉戰湘潭武昌以擒賊功敘從九品七年夏皖賊陳玉成上犯蘄州漢章奉調堵剿閏五月十九日隨擊賊於獅子口死

之事聞從優議卹如例贈鹽知事銜錄忠

譚印兆咸豐元年投効廣西布政使勞崇光簡閱全軍見新化勇四十五人伎藝獨精詢知爲印兆所部勒重賞之並賞四十人有人營勇逃往桂林印兆奉營將命追之自南甯至崑崙關竭三晝夜之力執其人而還斬之軍律大振嗣隨勦大塘感墟等賊敘從九品三年從江忠源平崇陽咸甯土匪已又從大軍平九江土匪皆有斬級功八年隨同駐師江西吉安以勞瘁卒錄忠

鄒漢章字叔明漢勛之胞弟也生而清慧受經家塾時與諸兄講解辨難無虛日稍長尤畱心地圖兵制之學道光己酉歲大湖南通志卷一百八十九國朝人物新化天

饑漢章典已田得錢數百緡設廠施粥躬自董之旋大疫復典田施藥賴以活者數千人咸豐二年入郡學爲生員時粵賊犯楚寶慶知府魁聯延漢章至署凡籌軍務辦防堵募勇給餉諸要務悉與商酌行之三年江忠源帥師援江西曾國藩檄漢章募勇自義甯州會之至江西守城有功敘訓導是年曾國藩治水軍於衡州屬漢章管帶水師左營四年春抵岳州適賊由黃州上犯官軍失利城垂危漢章艤舟岳陽樓下以救城內軍民縋而下者數千人先年十二月兄漢勛殉難廬州至是漢章始聞變遽辭營往廬求骸骨國藩以賊方據廬畱司偵探事武昌陷漢章與數人僞爲炭賈潛以剃刀免死牌置竹筒中入城散